



人止齋集

共八本

^ 16
2412
8



和
2412
8-8



企齋別集卷之四

詩



保恩宰三從兄斐卿來訪亢亨村墅夜

對書示

即中
潤軒

萍水重逢亦有時
夜闌秉燭不勝悲
傾心各盡杯中酒
對面還吟夢裏詩
花硯可能謀後會
空林終擬訪前期
春風一杖猶堪策
見說名山是俗離

花硯地名空林
寺名俗離山名

又書竹川上人詩軸

桐花未落鳳曾鳴
鳳去桐枯尚有名
千載客

來僧獨老寒山古寺不勝情

哭李四宰次野 即新

臣罪宜無赦 君恩答奈何 風霜畝蕙老 日月隙駒過 名豈人俱沒 貞應死不磨 平生趙元鎮 歸亦作山河

山鳥來啼小 桤枝寄詠

春雲薄々雨淒々 宿醉初醒意自迷 山鳥亦憐花欲發 瞥然來坐嫩枝啼

南陽途中

田園十載居常日 雪後柴門援未開 白首更

兼棠杜役霜風煙月夜深迴

詠虹 歲丁酉有成而作

熒煌當晚日 倏忽倚秋空 托氣陰陽際 成形霧雨中 徒能資旱勢 未足補天功 赫々瞻光焰 何人敢指東

題古画四短韻

琴

將琴靜相對 人古琴亦古 千年曲未調 借問所擬鼓 應藏寂寥聲 而寓寂寥心 體用兩不立 成虧何處尋

碁

仙子好碁著是豈多機事自以靜中人愛茲
塵外味既無黑白交焉看成敗時翻疑對賞
處動過千年遲

書

世既不喜古之書存者稀誰歟此間人相對
閱精微願依造化迹透此造化機悟到書中
意資以希夷歸

畫

畫者真之跡畫裏更安寫畫以若寫無還成

變則化孰是畫之真孰是畫之假難將夢中
夢分此畫裏畫

哀尹生冲

生篤信好學嘗遭母憂娶粥三年環
墓域樹之松後多枯死戒守者勿伐
皆復生人以為誠所感觀其志若大
有為卒早亡哀而為賦是篇

十年流落在窮鄉問字初逢玉雪郎顏氏不
唯能好學孝連曾是善居喪常看慙之憐方
進豈料嗟之惜則亡福善禍淫何處定白頭

搔盡意茫々

僑寓中聞燕語有感

咄々浮生添白髮年々僑寓負青春
樛燕定知非舊主傍簷飛舞喚何人

獨釣天民川上洪沈兩齋官寄 英廟

祭果戲謝

清川宜蒲葛天民白首垂綸是舊臣
見說一竿思亦在 御珍還及釣魚人

秋夜獨坐

華髮飄衰髮羸形寄短床客愁秋悄々
山氣

夜蒼々光細星爭月寒多露欲霜
長思沮與溺還恠果於忘

紛々

紛々擾々百年間人事無窮歲月闌
醫得此身閑是藥天民川上對青山

僑寓即事

支板為床苦代屏終朝捫膝坐
三經白頭詩禮無心者猶向兒童說
過庭

夏日孤山僑寓中

坐覺茅簷晝景移百年身事八支
頤少曾好

學終無術老欲明農亟失時一枕正宜供晚
節孤山聊復助新詩猶須司馬消長夏息慮
歐陽亦我師

驟雨戲記所見

雲容慘黑忽飛揚雨氣濛濛作混茫天地晦
於唐五季風霆驅似越三行紛披草木初酣
戰零落峯巒更豎槍變恠旋消俱不見碧空
開濼掛斜陽

有五臺山月井寺僧信句來乞詩書與
一絕兼謝雙峯保上人曾記五味子一

封

臺山月寺吾曾過盈耳雲林聽暮鍾五味嘗
來今老皴憑師歸報舊雙峯

迎賓館五律 并序

臣負 國厚恩退居驩地恒思愆過雖文
墨未敢以自娛十有一年于茲一日今牧
使韓公叔昌來謂臣曰往在戊子年冬我
主上殿下親臨茲地有盛事合於王道者五
一曰謁 先陵二曰舉鄉賓三曰 賜民
租四曰黜仙蒲五曰重賓禮王者所臨有

金齋別集四
五
茲盛事而至今且六載曾無歌詩使義意
鬱湮而不揚豈非守臣之大闕邦人之深
恥公曾作侍從獨最久今居州地親覩盛
義烏得無言前判書金公安國亦在茲土
某既屬以記公宜作歌詩以補其闕而泄
其耻不亦可乎臣伏而思之其言實大有
理身雖廢退然常切仲淹江湖處遠之憂
霑茲 德澤亦在耄艾歌頌蹈舞之列則
無以為辭謹撰近體七言律五詩以列其
事非敢有所贊揚但備觀民風者採焉

欣瞻 玉輦駐驪陽來為 先王未敢忘霜
露幾年思沐惕賢親今日見叢墻香外登豆
靈光答孝錫烝黎福祚長共說壽慈松柏路
祥雲五色更飛揚

右謁 先陵

文運方亨世已清臨軒試士示恩榮爭將變
化成龍虎豈有沉淪寓釣耕東國只收三豎
子西都唯得一張生何如 聖代求賢急鄉
里賓興摠俊英

右舉鄉賓

王教從來惟食重 聖恩先得及斯民
需雲解雨皆神化 鑿井耕田盡帝仁
盍徹豈知君自足 減租曾見粟相回
同涵至渥思無死 白首謳謠是舊臣

右 賜民租

服食金丹異教成人間 信有可長生
心惟精一方能擇道不偏頗 始得明漢帝
自行祠竈恠唐樓誰黜望仙名 王言昭示昏
開牖尚鑑前聲戒後盲

右 黜仙號

柔遠交隣禮意隆 百年王路此間通
往來賓旅迎將地表裏 山河觀閣雄漢典
有光添穆之齊盟還大更 泐之流傳萬世
黃金額輝映扶桑日亦東

右 重賓禮

次韻

梨湖公元有西觀寓灣公演為八韻元亨野人再演為十六韻

獨擅南中勝 浮廬清洛頭
山長曾入句 水遠更消愁
共說歸來好 真看取次休
十年湖海別 難得一觴酬

浮廬詩有山長水遠之句寓

故有此作

吏部同趨日鳴珂紫陌頭丹心曾為主白
髮只緣愁書札三回問逢迎一半休猶聞歸
掉近春酒擬相酬

家在雲山麓門臨流水頭心安難有夢地遠
似無愁詩酒閑應數招尋老自休平生踈懶
性一飯未曾酬

自愧曾傷足人嘲不出頭半成無酒恨全為
落花愁身外名何用生前事可休詩情猶未
盡多向相公酬

兒子掇蟬令放之戲示

曾憐微物稟雅清免教兒曹害爾生拍、欲
飛蘄有感夕陽何處抱枝鳴

兒子次其韻再和

徒知吸露慕虛清多以無心喪有生爾口三
緘猶不戒少兒那解怒能鳴

秋夜偶吟

離思令人白盡頭陰蛩那復夜鳴秋月明更
想牛和女昨日權忻已作愁

詠蛛網

稟賦吾憐汝謀生豈不仁抽絲機自熟結網

妙如神董毒宜遭害蟬請未必噴掛花原爾
罪猶解罩青春

廣津艇上望見三角山有感

孤舟一出廣陵津十五年來未死身我自有
情如識面青山能記舊時人

東湖舟中用前韻以復書堂主人

東湖秋水渺無津白首舟中遠一身一過舊
遊思賜地瀧人還逐白衣人

企齋書事

百頃陂池明似鏡菖蒲新茁綠抽簪春心却

被春花惱夢到江南自不禁

歸思無端夢自迷先生今老小村正杏花紅
屋繁如雪春雨霏、山鳥啼

行坐從心祇自宜年來事、探筆寫詩亦
入尋常見莫恠閑人懶作詩

儂居雪城村舍尹君衡之簡書三三戲

謝之

牢落柴衡且儂居先生首着不須餘駢頭忽
見三江使滿腹還藏尺素書曩曷未和先動
指客盤誰嘆久無魚放生竟破禪家戒欲驗

朝來夢踏蔬

還到東湖復次津字韻留別親舊

昔日東湖慣問津
台頭今作耦耕身
獨向龍門山下泊
只應明月照愁人
山長草遠水迷津
自願樽前獨去身
日暮移舟相送處
煙波愁殺白頭人

別親舊夜泊楮子島詠事

江湖浪迹已多年
纔到紅塵意惘然
却怪清醒清入夢
不知身卧月明船

泊馬灘下渚初昏月色朦朧入夜雨乍

灘聲嗚咽月朦朧
欲繫歸舟失舊楓
江上謬誇今夜好
客中還值雨濛濛

夜分後雨霽月色如畫舟泊長灘菰花

灣

孤舟一泊菰花灣
两道澄江四面山
人世豈無今夜月
百年難向此中看

蘇子赤壁前遊七月既望後遊十月之
望殆未若長灘仲秋望也又作一絕云

蘆荻花明滿眼秋
一江中作兩江流
想應申子長灘月
勝似蘇仙赤壁舟

卷前即事
病裏耽卷坐屢移開窓不覺困支頤眼前胡蝶飛揚去昨夢吾身果是誰

送尹判官赴穩城鎮

去歲仲專西塞守今年季鎮北門兵渠家已信多名將昭代方知重俊英青海要持新虎節白頭安用老書生想應射殺霜雕虜鳴角徐回月下營

挽申尚牧

故國遺喬木曾多歲降申君才繼父祖時望

待經綸一跌差然屈三超倏欲伸還悲天不憖豈獨為商民

能書繼先祖善画是誰師才調無雙美又一奇更看知遇日未盡報恩時萬隴天心竟莫知

奉酬李使君希文餽肉以詩

館宇湖山儘可誇詩情應得近寒勒初成句簾捲清心已放衙習氏池深空夢草杜陵亭遠肯尋花慙慙春信隨葶藶先到荒村獨樹家

拚得清歡每自誇
茅簷春雪正交加
卧聞粥
昂違傳饌坐擁烘爐
想起衙汀柳岸梅吟有
料壁缸床卷眼成花
山妻又恠羊蔬夢官餽
頻霑野老家

阻雨信宿神勒寺

好雨留人故不晴
隔窓終日聽江聲
斑鳩又報春消息
山杏花邊款款鳴

在長湍村家作

行止元無定
淹留祇自塵
支離一春雨
漂泊百年身
隴草煙光秀
山光曉色新
韶華不貸

客髮髮故催人

趙出土秀登第放榜日寄喜

紫禁傳呼曉漏催
曾從仙侶上蓬萊
龍庭肅肅鵷班立
玉燭煌煌寶座開
臚唱幾聲雲裏下
天葩五色御前來
白頭追憶渾如夢
還喜吾家出亦才

幾一作教

見薔薇盛開有作

心惜春歸醉不忘
夢探消息覺悲傷
東君也作中央帝
移入薔薇箇箇黃

關西大同道在赴京要衝
有命擇臺諫

侍從臣充察訪俾令禁抑濫輸名雖察
訪實兼御史之任金君 應是選而行
求別語甚勤為賦長律贈之
斲撤金臺舊鳳毛北山那復賦賢勞方者雲
翼開羊角却恠官銜似馬曹關路清風猶鐵
面驛亭春色是仙桃別來思夢歸應數還掌
絲綸王署高

夢回

醉夢初回事、慵隔簷挑樹影重、在風未
解憐花雨吹送空階一臆紅

三月十三夜月聞杜鵑有感而作

人間望帝千年後劍外迷方萬國西明月梨
花芳樹塢青山茅屋老夫栖不如歸去聲中
恐何用飛來夜半啼催得白頭添種、更禁
春草又萋々

石泉寺寄盧尹兩生

紛々交契盡知音畢竟何人可斷金遙想論
文方丈靜白頭猶起少年心

聞鶯有感

黃鳥初聞處清陰獨卧時飛來翻柳岸啼去

戀花枝急喚方殘夢如催未就詩叮嚀求友
意曾謂爾無知

宿神勒寺夜雨花盡開

初來却恨尋春早未見花開只見僧一夜東
風吹雨過川原驚怪曉霞蒸

三月初七日即事書懷

三月正當初七日三春二十又餘三桃無消
息杏初萼燕未歸來鶯尚暗好雨叢生芳意
重新詩驅使醉眠酣欲同狂簡如曾點二十
三春日探

七夕詠女牛

無窮會合豈愁思不比浮生有別離天上定
成朝暮遇人間看作一年期

宿清心樓次鄭文忠公韻

前灘流月落秋江夢裏寒聲滿夜窓柔櫓暗
開漁艇過圓沙驚起宿鷗雙

七月餘熱尚盛而一雨涼生庭樹似添
蕭瑟天機固然耶感而聽之者異耶為

賦一絕

滄浪綵髮等閑生容易天機不整停一雨晚

來涼氣動庭柯如欲報秋聲

中秋夜聞雨追想去年長灘月色感而
作

三合從來月酒詩中秋全勝古今稀簷端此
夜蕭々響江上前年霽々輝去住有時人事
異陰晴無計賞心違天公却閑分明眼不欲
人間照是非

和邵子感事吟

觀時觀物乃皆虛南郭如今已喪吾曾學歸
來陶靖節正如安樂邵堯夫鳳遙縉繳非無

見麟獲春秋豈有辜要識古今難解處陰陽

百點合圖書

合圖書曰點陰陽各五十朱
子已前合圖書而言者

癸巳三々日寄茅洞朴瑞山兼示虛谷
李君坪村尹君

去年三月初三日燕已歸巢花已開人事天
時多異態別情春思重相催前村後谷應無
恙舊約同遊抵不來茅洞風流還可繼善山
雖去瑞山回

九月初三日夕即事

時來婦以
亭觀在京

坐恠雲黃天色改忽宵踈雨過江間長虹垂

飲驪龍水落照斜
啣鳴鳳山蒼壁有霜楓葉
麗白頭無酒菊花斑
蕭騷獨客吟邊意送子
歸寧又閉關

重九日申君彥容寄樟鹽簡謝聞到中
原將來訪予有事徑還云故以恨佳辰
及之

在難方知骨肉親
孰紆書札問沉淪
申君遠寄山中吏
葛子今成洞裏人
白酒肯同論舊
意黃花還復恨
佳辰割鮮未是為
災惟杜老盤中更不貧

次鄭郎衡秋夜雨韻

搖落山川風雨秋
客窓孤燭夜悠々
有情應使乾坤老
無計能禁歲月流
舊葉空從雙鬢
改寒鄉空為十年留
如君才調身還健
莫把新詩更說愁

一杯酒送盧生還家

驪江中割鳳鳴山
家住相望路亦艱
薄酒一杯君且盡
短童羸馬北風寒

江上群山

江上群山者未厭
寒雲捲盡露崧龍
分明朝

暮十年面定問高低知幾峯

畫竹八絕

鏗金鳴玉不凡材磅礪何人解奪胎已識有聲元自靜悅聞風嘯枕邊來

右風竹

描得脩篁只數條分明雨葉瀉瓊瑤如何添

箇蕭蕭意正為騷人送寂寥

右雨竹

玄陰凜冽月依微誰寫質管得意時葉玉

雲凝不動白頭還似我低垂

右雪竹

苔錦爛斑露粉侵梢雲氣象已蕭森年只

見初爭地竟到何時長作林

右稚竹

曾憐直幹入青雲折作笙簫尚有根待汝兒

孫春澗長一竿猶可遇周文

右折竹

紛紅綠各榮春未見踈枝雨露新不啻首

陽標格在只應枯槁似靈均

右病竹

初生根不高千尺苦節難看日又新賴有琢

磨風韻在年猶占四時春

右苦竹

何人二子駢頭立伯是為夷叔是齊相對凜

然謀不食清風如在首山西

右立竹

次聚勝亭韻并序

嘉靖之乙未仲冬有日延昌宰曹君

示予一書嘗營一亭于邑居之傍盛
稱其地之勝槩而借材於常所往來
者以成其美云曹君為政且三年餘
乃及於游觀將以宣滯導和而煩不
及民嗚呼其知為政之術乎亭且成
命之以聚勝而令人詠其事得二絕
句兼以示余求和余知曹使君久寬
裘且隣於茲邑聞政化甚熟雖未得
登望目領其勝槩亦樂為之賦云亭
在大野頭而兼有山溪之勝故取於

潛野翁亭之意而以及於山翁溪翁
極之於滁州之醉翁亭

萃構墳岡往事空向來興廢與雲同野翁還
似滁州守兼把山溪作醉翁
檜老松長蔭小亭勝區如待主人成山圍水
繞供仁智安得登臨咲武城

端陽節偶吟

都人羅綺爭相耀舊國年々習俗傳門外女
郎喧笑語綠槐搖影送秋千

春日卧病書事

壯志初無計四方漸憐衰病在殊鄉歡情正
與伊嚶去白髮還隨展轉長十日杏花三日
卧一番寒雨二番霜扶藜強起看春事只有
山樵映短墙

病起對屋上著霜杏花戲書

屋上紅芳滿樹新誰教青女妬東隣巫雲昨夜難成雨西子今朝巧作頰枝上更憐粘敗
藥簾前無意散餘春應知造物還多戲不分
繁華對病身

舊有水落之夢將買田園于是洞寄示

兄及妹

兄為東里妹西隣好買山田奉老親千載却
嫌沮與溺十年曾不負君臣
十年塵土謫仙人斲作金臺侍從臣水落洞
中尋舊約只應春雨長芝茵

詠麩

前年大雪盈三尺此日春麩滿一區翠浪舞
時疑有雨黃雲屯處覺先秋天心袞元無
息人事生自不休春相夜砧歌亦好曉莖
何日見浮

谿上逢故舊小酌次其韻

日下藏遙出谿長進晚風不愁村路黑還怕
酒樽空見後情如舊離時恨幾濃相逢猶是
幸人事本忽

哭驪興教授金同年

同榜聯名後為僚一字行升沉中世事湖海
故人情白首吾編戶微官子作讐還將餞君
酒那忍奠丹旌

宦至名都會還終冷廣文人生皆在夢客死
最憐君蘭玉仍遺慶交朋但哭雲一帆歸旅

觀江漢水法

寄題清神堂

清風郡裏曾經過寒碧樓中憶躡遊欲說湖
山難極口未忘煙景尚盈眸已知勝地目人
著更有新堂為卜幽遙想退公收爽氣此心
常在又何求

奉送李復古彥迪為覲親乞作南伯

蓬萊玉節下青天嶺表文星夜色鮮唐帝不
唯分命重梁公緣是望雲偏宮袍光映黃花
路蒼草榮生白髮年共約升堂吾不遠關門

分手欲潛然

駱峯夜景

崑松凝翠月含光
山閣虛明夜氣涼
忽喜靜中生意動
西風吹送敗荷香

金沙八詠

北澗濯纓

入境俱佳世慮真
一溪橫繞玉鐙鳴
臨流認取清為證
更有何塵可濯纓

高峯宿嵐

遙開活画翠雲屏
近覺空濛未見形
山客睡

餘朝日上捲簾時
露數峯青

蓮池明月

孤亭蔭柳逕苔封
嗒坐忘歸意正濃
霽日照時池水漾
紅葉疑作玉芙蓉

南溪垂釣

澄碧溪灣玉一圍
主人垂釣柳邊磯
閑中試看魚貪餌
誰識道遙是靜機

龜潭浴詠

無人看取安和分
春服成來點也知
浴罷詠歸遺意在
風流猶是魯南沂

東湖帆檣

園林佳處剪霜茅門對東湖斷客敲未厭亂
帆和雨過忽看斜日照檣梢

竹塢清風

殷勤一塢斲蒼苔幾箇篔簹手自我玉節已
成風韻遶滿襟如慰故人来

弓巖晚望

下控清流上入雲一巖孤絕景西曛人間快
意無多地默倚天邊數鴈群

次韻書事

種得黃桑長作苞午簷晴日樹陰交
調篇詩誦中三語盡卦占逢上九文
綠蟻只須浮酒盞白頭端可掩荆茅
靜觀物理還堪笑梁燕經營亦為巢

喜朴君光佐登第

近聞國學收髦士拔得千群第一人
須識病夫應不寐春光多少在東隣

送尹正之赴朔州鎮

南驪西渭三年隔慰酒離筵半日逢
重鎮正須思舊將香閨那解計增封
烏弮寶韃弓如

月血汗金羈馬似龍平世不要歌出塞只令
遺廢事春農

已丑年大旱冬十月初二日雨五日始

霽紀事

今年夏旱如雲漢冬雨連朝更作霖瘴霧欲
收山半露寒流初出岸全沉平原未獲多瘴
稼比屋無煙少溉鬻頭白始知農圃苦孔門
羞殺老須心

簡謝李豐基仲豫寄鷹

少年投分期相挽末路論交只可傷三榜文

辭同考試一冬燈火異存亡陶歸栗里今袞
甚汲卧淮陽尚倔強珍重舊情看遠物割鮮
供病付諸郎

送趙出士秀以書狀官赴京都

尋常別亦使魂消何況天涯去路遥塵榻任
吾供老病吟鞭輸汝指燕遼靈均寓意徒能
遠子長耽奇未是要須到 皇朝觀禮樂只
今猶有舜蕭韶

竹山途中

羸馬愁前道寒天且倦遊川長山白足石古

佛青頭戰伐餘顏壘風煙獨弊裘田園歸亦
得百歲此宜休

題俱慶堂畫鍾

至寶元非琢貞姿在不磷画成三世慶陶得
一家春大酌祈周十高歌賀舜民升堂如醉
酒猶足並為仁

驪江舟中贈姜主簿子始即終壽

聞君乘舸自忠州策我蹇驢及渡頭三夜夢
頻曾見札百年心在此同舟休論塵裏陞沉
事且作樽前漫浪遊更約後期何處是暮江

回首水悠々

挽同年金叅判正國

同時同榜契心情進亦彙征退亦貞自保丹
袞天與正相期白首道須明君恩未報身
先老世事難堪病已嬰地下重逢如有日論
文晤語更能并

送李僉知陳慰中朝

傳道 皇朝太廟災震驚猶及海東隈天心
謹告雖仁愛 帝詔摧傷已過哀端遇 聖
明寧有此遠陳欽慰豈無才吾儕別恨那容

說辜負今年泛菊杯

欲送將行是別知若為秋氣此時悲
楓明北紀胡山秀霜落東遼鶴表危
何處舉鞭吟浩渺幾時回首憶化離
皇朝慰罷應看樂專對寧慙舊誦詩

屋山中有聲呼招鄉隣撒秋耕共逐之
網既陳竟為他虞所得衆欲中分之虞
托以公家之用即全而歸之虛谷老人
賦其事求和戲次之

山中有吏出非辰踈網初從一面陳
疾足豈

云終與漢耕備誰識始謀秦存亡兩失悲千
世真夢中分笑一身目裏泰山今復見
朶頤覩肉是何人

思尊寄李虛谷且謝前惠二首

頗憶鳴魚洞尊生正滿塘青錢拳葉小銀縷
亂絲長客久重為客嘗新再得嘗憑茲牽酒
興持以助詩狂
尊擅江鄉興池深李氏園滑宜紅稻飯香合
淥醴樽鱸膾元同羨羊羶性不存滿瓶和水
貯重待款柴門

偶到鳴鳳山桐花寺有僧名祖義者求
詩自云真珠人我曾宰是府不能於此
人無情書一絕以遺

今來鳴鳳山中宿曾是真珠舊使君
迎笑有僧如識我昔年云住杏花村

送子婿遊松都

春花落盡綠陰初天氣清和物意舒
學史不須治簡蠹尋師要試放池魚
花潭洞裏留徐榻松岳山中訪聖居
他日歸來應有得作詩祈汝無躊躇

立春前一日偶書

晴窓朝旭影徘徊土堞深消楫拙
灰日月故應催客老江山如已識
春回眠來只慣拋書卷病後猶思
把酒杯依舊東風明日好杖藜
能復訪寒梅

立春夜書事

東風入夜報春還寂歷餘聲在樹間
搔罷白頭仍獨坐滿庭霜月不禁寒

有懷清川兄妹兼示諸姪輩上元日作
留滯江南歲月多白頭無意到東華
煙雲漢

樹丘原隔燈火村觴骨肉賒佳節淚滋書紙
榜春風心折賦荊花相期久負查、鵲妹嘆
兄愁季自嗟

獨願妻孥強自寬別離空復見春還風前落
羽終難集鏡裏衰容祇可觀日、榴梁鴻鴈
病年、霜露鶻鴒寒而今却悔謀生誤辜負

閑田水落間

昔年擬買水落洞間田依先而屠竟未就

企齋別集卷之四

企齋別集卷之二

詩

和趙齋官見贈

悟得歸來便是仙簞空蔬食坐無氈還拋舊
學三千卷只愛閑身十五年霜菊有花時又
至白頭於酒妙能傳憐君更欲論齊物為起
友心寫此篇

門前小徑馬曾諳閑裏何妨作劇談秋月通
來明似鏡舊醅今復綠於藍詩如李白應無
敵懶甚稽康自不堪須得合并還作五肯令

怙悵但成三
何物微官當考槃為親寧為祿須干君方作
吏來齋舍戒得携家八小山重與言詩那可
廢相逢握手未宜還百年意氣無新舊難把
悠々出處看

書懷示鄭即衡

泣血餘身此獨來鏡中衰髮不禁催頻驚舊
宅人誰薦木黍荒田手自開玉露幾凋封墓
樹白雲空繞望鄉臺老兄寡妹無消息一夕
愁腸費九回

元亨虛谷坪里三村舊有三々九々之
會丙申九月初六日預作申會之約至
八日乃聞妹壻奉羅牧續夫之逝九日
悄坐悼懷感念存沒有作

衰年強欲酬佳節小甕先須與婦謀白首更
難開口笑黃花還作滿襟愁三村樂事墜茫
沓九日風光屬認悠重憶故山兄弟會茱萸
今復挿誰頭

寄稷山宰閔君

當時作客里人家縣宰朱轡幾度過欲罄交

歡供一笑醉呼義髻更徵歌
招尋相對縣西陵白日玲瓏看納水被酒夜
歸潭似夢小村時點績麻燈
蛇山高頂放鷹回風雪真成造物猜煙竈燎
衣茅舍坐只今猶記共傳杯

霖雨不止奉贈驪興金使君

安穩驪興太守賢別來衰髮日蕭然停雲靄
靄迷千嶂霖雨滂之阻一川矮戶蛛絲成小
網短籬菀萼上空拳材夫不出非無事看到
南華第二篇

相思原春望

民水激之遠繞縈羨人何處日西傾相思原
上王孫草極目萋之春又生

立春日寓詠

虛簷雪盡溜初殘草木妍光暗已還白髮豈
曾饒客髮春光元不負柴關誰家新賜金銀
勝此日空看首蒼盤綠筆舊題 三殿帖百
年唯有寸心丹

自適

虛簷殘滴兩纖之枕簟輕寒曉覺添花落後

庭春晴美呢喃巢燕要開簾

盧處士檄慶莊十詠

雒岳湧月

瑞暈初分岳寒光忽射空半窺驚魍魎全露
破鴻濛爽透林泉外清啣草屋東慙慙來入
戶還照覓詩中

鳳岳橫煙

鳴鳳何年事寒煙盡日封風來時掩腹雨過
欲藏容卷作橫斜練分度遠近峯莫令空隱
豹終擬或從龍

柳渚鳧眠

江水青於染楊花白似氈鳧情元與稱物性
正堪憐暖浴盤渦戲閑依錦翼眠無回鷺自
在夢八石潭煙

蓮塘魚樂

既有瀛溪愛還存正叔仁微風翻玉朶細雨
躍銀鱗忘豈江湖大知應子我親悟到從容
意莊生亦可人

石潭撐舟

亂石沿涯立長潭到底清野航時獨載山月

照孤撐留眼詩還就仍樽酒更盈醉眠篷下
夢鶴與問飛鳴

臺岳垂釣

平如呂尚石高似子陵臺綸舉清風細魚游
碧藻開釣空元有待星動豈無媒最愛玄真
處蓑衣雨亦來

原頭牧笛

微茫春雨細迢遞綠蕪平知有騎牛樂聞傳
弄笛聲隨風斷復續送日亮還清欲和無心
曰同携荷蕒行

江口漁火

山斷蒼煙合江空暮色來榜歌何處向漁火
望中排亂點星同粲孤光燐似開明朝墟落
外將擬買魚回

斗峯花木

默想誰雕刻深知造化工雲峯千古標花木
百年叢漆得啼鵲血粧成刺繡紅猶須朱粉
裏著此老蒼公

錦壁楓林

錦石聯成壁霜風漆作林白增騷客髮丹益

楚臣心晚色秋相近寒聲雨更深春花徒自
媚那得覓光陰

東伯尹公和前韻兼有墨維魚三惠簡
答

窮年誰問此孤居一月重開長者書兼有好
詩隨點漆更看珍惠及嘉魚逢人欲說空
善對客唯誇再踏蔬磨頂幾時遺愛盡揮毫
長役病相如

寄春官正郎鄭浩御考

玉署久聞長侍讀春官多暇近彈碁宜尼有

畏吾衰甚頗憶當年角州時

為邀秋月上峯嶽獨把瑤琴坐夜深莫已

多忘世意難化癡君心

黃驪江上元亨里三載飄搖始定居惆悵別
離人自老西風聊寄一封書

訪兄姊于西原荆江公寄唐牋一幅外
題一絕以求鄙語欲為面目云書以還
之

金鑿門裏追隨後一阻音容二十年甲乙計
吾今老矣鬢鬚知子亦皤然翎原却訪唐華

樹刻水難乘雪月舡只有空殘留恨句更堪
回首看歸鞭

寄舊翰林元亮三律前一律無悼亡長

興士潔後一律為求墨竹韻林卿陸

從况

自哭長興賢府主謫中消息定何如生離死
隔悲無柰柞薄門衰罪有餘驪水我今專一
壑海雲渠已作孤居前春書問今春報鴈斷
魚沉到此踈

元亮平生愛此君城中無土種孤根常持筆

墨麈摸樣未慣風霜細挹芬真得七年看苦
節何妨一日運風斤憐渠更有燕山紙為掃
湘江十幅雲

上再從兄吏曹叅判申公希仁即公濟

園林當日聚心親四座衣冠盡姓申惆悵此
情那可憶眼中今有已亡人是會從兄洪之

故計音

黃驪江上身將老掩李門前迹已踈舅氏有
親須賴祿近聞憔悴待吹噓
消息悠悠歲又新離情更苦草生春清心保

命香蘇合時寄江南抱病人

辛卯正月病中作

幽憂悄之擁爐坐斲得陽和撥火間更恹曉
來寒又甚一宵春雪滿前山是月此關被謫去

書和離騷卷端

千古湘江事如何恨獨深分明猶有血嗚咽
尚含心雲去蒼梧杳悲來白髮森唯餘不盡
語欲和更更沾襟

東方舊俗以正月望候月出古其歲豐

凶戲作

籬落新春咲語喧豐歉云候月初圓先占早
晚論前日爭指高低擬某年俚巷此言如可
信經邦舊說不須傳強將上瑞誇今夕為報
休慳買酒錢

孟春晦聞鳥聲有感

陰陂忽見凍成澌芳艸無情又自萎春色已
微他日恨鳥聲還熟異方啼亦知造次老當
發何待慙勳酒可提誰道小山叢桂下有寬
天地合幽棲

寄磐石新居

蟾江東畔舊荆榛聞說幽居卜地新錦服定
為山鳥恠王儀寧與野人親林泉豈許終成
滯酒賦聊看鬢養真將擬乘春挈小艇落花
流水泝煙津

蟾江有和復用其韻一以賀還叙有命
且以自敘云

詩人何意詠荅榛聞道乾坤雨露新蓬島已
通青鳥信蟾江難保白鷗親雲中飛步休來
健林下逍遙老復真空有興原春事約仙槎
幾日到天津

辛勤卜筮破荒榛存得婁孥白髮新子羨已
無同學羨樊須終要老農親江山有宅非君
事老鳥為隣是我真只恨松楸長不忘更堪
重出廣陵津

荒村迳路少披榛墻底荈枝嫩欲新就室幸
緣姪姪好停杯聊敘肺肝親纔看悟境身如
寄却憶迷途夢不真京國故人應有記為傳
無意問通津

蟾江有和復用前韻

顏垣不補樹榛之庭下萋迷艸色新仙枕夢

回聞剝啄花殘詩至見情親潯陽縱愧歸元
亮谷口那憐老子真世路風波如夢怕昔年
曾亦略知津

身似枯蓬道塞榛白頭於世更如新臣心何
間江湖遠 天語能忘父子親罪大禍輕猶

未死算空瓢棄幸全真春風送子驪江上從

此 恩波隔幾津音年 中廟於 義難夜

臣親則父子言猶
在耳感而及之

從姪清風守彥容以病罷官逆于江上
送之洛城

星溪一散又看春會合無期迹便塵江上更
逢山郡守樽前還送洛城人
蒼能滅淚愁方驗病可全身福所因
末路斜沉何足問珠襦
曾道羨懸鶉

三人同在舟中吾居民川彥容歸 王
城塘江公當赴 燕京座上書事以木
之

牽挽春期出野堦江花初發雨新晴輕舸泊
處紅明水佳句吟邊綠滿瓶人世罕逢親舊
會客情重見別愁并民川已與 王城遠况

復燕雲隔 帝京

保樂堂

聞說華堂結構新綠窓丹檻照湖濱雲山亦
入陶鈞手月笛還宜錦繡人進退有憂公保
樂行藏無意我全真風光點檢須閑熟可使
何人佐上賓

舟中次子姪韻

萬恨千愁共八思十年人事亂於絲驪江不
盡東流水長短離情醉未知

家兒輩折挿杜鵑花于扭籠甚盛戲賦

折挿繁枝滿扭籠小窓晴日映嬌紅遊蜂不
覺須臾事還入兒童戲嬉中

驪興金使君與金字相安國金僉知欽
祖鄭僉知士龍會翫秋月于神勒寺遣
人相邀病不能赴

聞說諸公會江山數日同東臺霜後月神勒
夜分鐘清話應無雜深罇定不空病來歡事
少孤負一秋風

次朴訥齋韻書靈運上人詩軸訥齋
耽水耽山是亦饒利名誰數愛官銜偶然乘

興非尋寺聊復吟詩
躉上岳白鳥向來無累
物虛舟安用更須帆
高人出世僧離俗一
話雲窓也不凡

平生多愛子長奇
再到雲林覺已遲
一水兩肥天渺之
萬峯秋瘦劍差之
舟梯試上瞿曇塔
蒼蘚還今幼婦碑
老衲莫須勤苦請
登臨吾亦欲留詩

謝李使君寄雙鯉魚一盆酒五篇詩用

前韻

雙鯉龍門未奮飛
遠隨書信到荆扉
誰知東

閣吟詩處不忘南山
種豆歸香醞更含無限
意新篇多賦莫相離
自公施惠慙難述一
托為紙白首依

明虛軒

目解全牛必有餘
小軒開處絕紛如
嗽啣岳色朝生白
月汰江光夜受虛
可獨魯儒能取水
只應梁相更知魚
一罇許坐宜何日
欲作過逢意未舒

十詠

箭串尋春

淡煙芳艸遍江郊春到官園雨露饒陶得昇
平閑日月幅巾聊作整道遙

奉恩聞鐘

數聲何處送春容穿破江雲幕幾重却似姑
蘇城外寺容船時到夜分鐘

南湖泛舟

澄明一面雨新肥風力微時掉正稀知道放
船宜落日且須歌吹月中歸

北岡斲藥

閑養靈苗日月長朝四時復斲雲岡人間信

有仙間事誰識無携滿袖香

蘭渚朝煙

休沐思私免早朝曉清山閣倚岩篔簹渚蘭香
濕滄江逝一抹輕煙鎖未消

沙汀秋月

江落天高渚色清露凝秋月冷沙汀玉盤珠
墮那容比一夜踈檣竟不扃

柳店漁火

依二垂柳暗江濱人語黃昏未掩門忽逢雨
中星宿亂却聞漁唱辨漁村

楮島歸帆

蒼山中立一江遙直到軒前
逝寂寥日夕南風知與便
數帆和雨替蘭橈

遙村晴雪

鴉翻凍樹晚生煙
雪縞茅廬迥似銀
誰畫寒犬吠空林
應有暮歸人

遠巘飛雨

塵勞欲債坐雲亭
掛上疎簾未解醒
日脚下岳飛雨白江風
拖過晚山青

梨湖十六詠

英陵瑞靄

叅雲松栢鬱參差
龍虎峯巒看自竒
佳氣有時成瑞靄
幾回高詠羨人詩

貝藪平楚

林際煙鋪一望平
地雄猶帶貝區形
長江繞繞流無盡
春雨今朝洗又青

雉岳浮嵐

螺髻遙山縹緲間
翠嵐常帶少開顏
朝來彩暈東方日
簾外還成活鱗看

龍門層翠

江上龍門第幾層入雲秋色翠峻增西風坐
想登臨興欲擬崑崙定孰勝

梨湖月艇

湖水澄明石頃秋一篙撐放小漁舟天中月
色罇中酒瀉盡騷人千古愁

楊津煙樹

幾行浦樹遠參差津口煙光日夕奇遙指依
之圖畫裏昨來還憶繫舟時

交流洲雨簑

交流洲上一蓑衣江雨疎之白鳥飛天地有

家還不累自然來此却忘歸

長興雪驢

蹇驢獨出為尋詩古寺閑房隔翠微日暮倒
鞭山路迥飯鐘聲斷雪霏之

盤磯楔飲

江邊盤石掌如平月芥風斤刻得成村酒醉
來春楔散不妨身與卧長瓶

姑城踏青

前宵小雨洗春蕪撰得筇鞋步自矜報道南
隣曾有約姑城今及踏青初

大野耘歌

潺湲綺錯雨微茫
禾沒肩腰麥已黃
誰送橫伊長短曲
却教勞苦變時康

豆川牧笛

川傍地沃草偏深
飽黃牛卧莫尋
山外夕陽紅欲斂
一聲橫笛野棠陰

南池賞蓮

剗木分泉作小塘
八怡亭在鏡中央
應憐淨植同周愛
擬采秋華製楚裳

北墅尋梅

春雲夜散豆楷灰
北墅今朝訪野梅
多少園林琪作樹
一枝何處送香來

九灘漁火

漁子清晨報客知
訥魚初上杏花飛
九灘一夜江流亂
把火如星粲復微

笠浦風帆

逐水柴門捲向西
青山岫岫斷黃驪
笠品便是神仙地
送盡風帆到即迷

園中感物

畦菜經新雨
踈花弄晚晴
蜂應忙為課
蝶欲

竟何成物豈能無累人安免有營只憐蟬飲
露終日等閑鳴

哭秦隣丈

元亨洞裏君為主曾僦閑田我作賓今日不
堪賓送主白頭何地更求隣

洛中題墨竹

昔年相對綠筠軒兩葉風枝愜見聞人俗未
醫吾亦化緇塵京洛更逢君

冬夜雨

蕭々歲暮雨竟夜濕茅廬燈火妻孥近詩書

老病踈寒心添寂之孤夢忽遽之曾有絲綸
閣虛徐聽玉除

挽李參贊龜齡

昔日交遊伯仲賢暮年鵬路望騰騫功名已
近魁三象雨露偏深尺五天白首永拋芳樹
下青山猶卧落花邊空憐一世風流盡題罷
薤歌淚點懸

至後夜坐示兒曹

至後陽生未覺陽西村應是江陰鄉連山白
雪寒多少背壁青燈焰在亡花眼可堪看細

字白頭聊復卧匡床猶存舊學心無二好聽
兒曹讀夜長

春詞擬古

簾卷輕寒襲画屏美人睡起燕呢嚀門前柳
色春應染眉上愁容誰為青

八直都摠府詠盆池蓮

省宇沉沉厭晝長塵勞何處滌煩腸誰開隙
地兩盆水却比江鄉雙井塘翠蓋含滋工瀉
露紅房經雨細凝香空將十里秋風意聊作
華軒一味涼

山齋秋日夕望

行坐尋常地登臨秋思微層雲返照沒寒雨
暮鴉歸燈火村春急帆檣買舫稀柴門惜未
掩已唱遠依之

螢火

陰出蜉蝣後宵征蟋蟀先雨中能自照林下
欲相燃故之飛書幌輝之近白顏十年囊亦
溢還愧對燈眠

為省伯兄一姊二姊向青川連日冒雪
又迷失路踰大峴嶺上有老木甚恠特

仍成叢祠息馬其下問道於村老云此
去茂嶺村僅十里村去青川縣五里許
馬上記事

剛被愚情不自刪白頭凌雪事征鞍逢人問
路人之異窘步衝泥步之艱老樹只應知我
過荒山全未識春還猶聞茂嶺村非遠擬扣
青川月下關

寄忠原牧金公玉汝四絕

三人鼎坐茅齋夜一笑相看玉局前世事萬
端歧路衆暮雲春思又茫然

右追憶茅齋彈碁夜話

鈴閣堆前捻簿書雲篇點檢自相踈三年篋
裏黃山谷想到還時已蠹魚

右聞前去山谷尚未粧潢戲之

青陽白髮新年至爆竹符桃舊俗同忽憶
江春約近輕衫何日試東風

右新年至憶江上之約

胡樵醫喘獐醫腫二病今須二藥治珍重故
人青眼尹肯煩衙史問支離

右患浮喘求胡樵獐肉二藥物

不見二姊三十九年謁罷書一絕示姪

輩

驚心落羽幾分飛痛負萊堂舊舞衣三十九
年重見姊白頭相對夢依稀

遊冷泉臺以八景列作四韻

使君峯下騎相聯春入花軒空客未還青鶴

窠空飛乳鷄白羊群行斷恐啼鶻祇今留

月峯唯高岫依舊醒心是冷泉臺遺迹法尊

宮名尚在洞門煙雨鎖龍洲

冷泉座上書事示任武伯虎臣

適從何處此間來面人奇崑步人苔橫笛一
聲山水綠綠禽飛去又飛迴

寒食後一日過介峴金公世弼舊居有

感

同時逐客幾人存立馬東風獨斷魂煙雨介
山寒食路不堪聞遂夕陽村

曾奉詠懷之什久欲酬復宦劇心思昏

茫今朝修掃舊家塵榻愴然之餘忽披

前韻粗步其一錄奉姜子始

死已無今日生能有幾人翻疑真處面錯認

夢中身遊憶尋山近交憐喚酒頻相逢聊慰
舊不敢嘆緇塵

奉送鄭叅判仁甫萬鍾赴燕都

高皇功較百王多整頓乾坤作帝家遺憤傾
來伊洛淨瑞雲開處薊燕賒城連一萬穿山
海路盡三千到玉河空把壯觀今付子白頭
須要問中華

送南宮都事淑無寄親屬

昔年相識今無幾纔得新知又別離落羽遠
分山海隔煩君要與寄長思

兄住東山姊末里一州中李兩叅軍如今季
弟頭渾白只為看雲似望雲

南家黃澗趙文義女在中原刺史衙三地別
離書一紙春風將淚又看花

送洪叅議慎赴燕都

離別從來解損神况於姻婭舊情親心關長
路看雲數座惜分襟勸酒頻想到遼東花正
發憶留燕北月重新星辰深處儀觀盛萬國
前頭拜一人

辛卯四月初一日雨

已覺雲容盛還憐雨意徐綠添迎夏始紅濕
送春餘叱犢將歸牧披蓑未罷漁病身臂膝
痛閑卧看疎々

奉送尹叅議彥禮公思異赴燕都

聞道燕京控北要 奉天宮闕鬱嵒峽秦皇
雉堞連雲壯唐帝山河八望遙萬國衣冠夷
夏會百年文物 聖明朝鹿鳴歌罷歸來日
應捲風光更渡遼

秋夜不寐

止酒愁雲集搜詩髮雪侵開窓聞鴈過呼燭

坐更深白露團衰草明河沒遠岑寒蛩鳴不
盡恁是說秋心

春日即事

雲含欲滴未滴雨春滿先開後開花誰問白
頭申子醉門掩綠楊堤上家

三々日寄茅洞朴大丘德璋曾與虛谷
李君坪村尹生約為三々九々之會今
者虛谷有疾坪村阻水能繼此會者獨
茅洞在偶成一律以示之云

三々九々年々會舊約猶存事獨非芳草踏

青今日是清罇浮白故人違風前燕語聞初
嫩雨後花枝看亦稀茅洞丈人多不俗可能
無意典春衣

送韓_此都事無寄李使相希雍

山憶金剛水鏡湖若論形勝更無優春老開
處須携杖秋月明時試倚樓今日風流新幕
佐昔年零落舊遨頭相逢京洛還相送欲說
湖山不自由

殷勤報道關東伯又作他離相憶無吾是林
家季女婿公為貳室大姨夫存亡八想空流

淚兒女羅前不解愁娟姪孔懷垂老日樂時
須記少年娛

哭領院事鄭光弼

身任斯文重班臨長宰先風流今獨擅德業
古雙全更望成霖日難加學易年陳三思正
苦不慙忍蒼天

謝希仲公簡問_{問齊仁}

今朝一紙平安信遠慰殷勤盥水開曾過定
州花未發想應留待侍臣來

君今來後花初發兩地雖殊只一春折得酒

籌誰與醉不堪分付瑣窓人

企齋別集卷之五

企齋別集卷之六

詩

次王啟韻

白雲黃鶴已悠悠，除是湖山肯肯眸。
二水分真有地三韓方丈，豈無樓吟成幾首詩。
如玉開到群花錦，作洲從此求仙知不惡。
白頭緣為戀君愁。

次董越韻

百年多病獨登臺，杜子如今安在哉。
青眼故應山似舊，白頭聊復我重來。
沙鷗戲翼異回翔。

過賈客歸帆次第開偷得一閑胡不飲勸君
須倒掌中杯

次唐臯韻

摩訶當年画輞川只今追憶思茫然空看香
岳千峯翠遠負驪江八數煙西塞鰕魚飛白
鳥東吳尊菜泛孤舫二張心事吾能獲猶取
涓埃欲報天

過滿月臺

名都往處築層臺當日豪華錦作堆金殿曉
煙迷古址石橋春澗長新苔山舍兩意周遭

立松遮風悲次第來故園只今人事改夜深
唯有月徘徊

寄海州牧朴狀元昌邦

人間知己嗟誰在雲樹離情八鬢斑百世豈
無同氣味海州還有首陽山

寶山驛途中感物

久辦餘身老草間更堪啣命事征鞍雉飛
忽憶呼鷹洞野燒還思採蕨山觸意自生今
日感報思尤覺暮年難逢迎使節雖非分
猶喜開卷處乙看

次上使華公韻

真逢江上月星槎
嬾媿王映沙
方語豈無隨土俗
此心元不限中華
皇恩渙作天飛雨
文焰驚看筆吐花
四海一胞何陋有
箕封應亦屬周家

即事題納清亭

五星峯下納清亭
一水雙橋畫屏經
兩杏花渾欲白
怯寒揚柳未全青
溪山似為皇華勝
雲物還要驛騎停
說與野翁渠得意
却專煙景老嵩高

端陽後一日書寶山館窓

天涯迎送皇華使
山館如今四度來
郵吏走呼催換馬
縣人供具慣持杯
金巖上巳巖花發
簇錦端陽錦纜開
客裏再逢佳節過
故園歸意夢先回

上巳日追到鳳山聞遠接使在黃州錄
奉戲語無示諸從事

清明寒食又三三
佳節相仍客興酣
老子風流元不淺
諸公鋒穎儘難堪
江山好處詩爲壘
樽酒開時戰必戡
可咲蹇跚空殿後
醉聞

飛旆渡江南

客程三月初三日歷盡春山未見花應放先
鋒塵物色却教凡卉怯天葩行塵瑟瑟時遺
寶野草蕭蕭始露芽欲追歡事分留少不恐
東風惡使華

次彥謙公晝睡韻

厭々客睡滯邊頭日午臨池敞小樓千里別
離心欲折一春消息雨初收紅稠屋角鳩聲
嫩綠暗官街柳色柔且酌酒杯聊慰意騷人
曾道此身浮

春思無端客遠陸塞城官閣雨霏微重簾久
下日朝醉小夢初回未夕暉髮髮自添今日
白容顏已減少年肥閨人不解榮君使應
惜風花一片飛

韻
端午日到齊安次蕃仲公父雲卿諸公

公館消殘一炷灰黃鸝啼破夢初回日斜金
碧明丹檻人靜鞦韆映綠槐久矣吾衰考意
少差然誰訝客行垂冰團蒲玉前年事忽憶
楓宸獻壽杯

往在丁卯年客遊永柔縣計已三十三年矣為主倅具君歷過舊遊處感念今昔書事于梨花亭

三十年前此地遊只今猶記小紅樓重來邑宰還青眼昔日佳兒已白頭揚柳街深存舊意梨花亭迥動新愁琴樽半日勤牽挽身在嚴程不自由

次清心樓韻投寄驪興尹成兩上舍

寒江雪水漲冰端鷗鷺依識舊顏遮道吏民同版籍隔雲烏鴨是家山當年流落浮休

裏此日驅馳局東問白首任他猿鶴恐幾時鷄黍更偷閑

浮碧樓次林從事韻無示了令公

長江不盡水悠悠白首重來更倚樓今日風流還入眼昔年羅綺已成丘聊憑從事吟新句欲向丁仙說舊遊城郭不殊人事異存亡須信海中瀛

樓上又次嚴從事韻

江水悠悠江草青登臨二十九年情春坊舊曲聞麗代古寺微鍾記永明帆影遠山歸極

浦浪衝危石送寒聲繡峯羅鳥奢華地開到
繁花意有生

已亥春作都司迎慰至於鴨綠江上送
鄭同知沈僉知赴燕都還到箕城遇李
知事元同知又赴燕都錄奉一律以寓

別情

八渡河前分兩手百祥樓上餞三春天涯離
別時無晚客裏相逢恨又新頭白不分迎使
節眼昏渾為送行人江干一種傷心柳折贈
柔條何大頻

天使華公薛公問及祖父姓名仍問有
子孫否以詩謝之

鳳彩騫騰一俊人雲幢玉節照青春 命從
北極頒 恩詔詢及東方問姓申地下有靈
應識感座中遺裔亦懷仁却曰 王事成私
願歸告吾宗說縉紳
欲繼雅詩好德歌秉彝初不限 中華綸音
渙至傾三祝王教漸成作一家先祖受知倪
學士後人叨識薛工科承歡更忝龍門接他
日相思鶴野賒

次忠肅王韻

華構崢嶸換舊樓錦囊煙景富新收香山春
草欺僧眼蘆水晴波學鴨頭此去未成花下
酌歸來須放月中舟浮雲不隔鄉關思却勝
當時鸚鵡洲

次祁順韻

遠遊非復暮年宜多為平生只愛竒高閣幸
逢天子使謫仙還畏上頭詩吟探物象青
春晚笑拍闌干白日遲一夢覺來塵滿面落
霞孤鶩捲成思

江路即事

清江弄渡未從容馬上看花只暫是紅珠重古
人先得句野挑開後却念

次宋四宰觀水亭韻

為愛江干草閣寒又供幽事更添欄官從白
看辭新 命身向青山釣舊灘動處正須尼
聖取盈時還擬子真觀分明水鑑清無累自
照何慙見肺肝

病中安分堂李希輔投詩相問用其韻
簡答

事與幸初志眉無皺老顏病多今日卧花晚
去年看自愧朝參懶人言吏部閑清詩空掉
我句法尚須安

八直都摠府時春寒尚重百花未發
雨開遍聞諸公會于三濟洞甚盛戲示

同直鄭右尹子仁

世虎

岩燒禁直靜無譁簾外春深日又斜白髮未
看拋藥屨芳罇何計答年華諸公勝會三濟
洞一雨全開萬樹花自咲門前拖空遶不堪
車馬病來多

富平刺張公子剛王寄生鴈一隻戲詩
曾聞天上多鴻鴈今見真隨信使來月下擬
看羈影獨窓間難聽失群哀放生正要存禪
戒宜麥先須試婦才哉學庖犧寧作佛向來
詩禮是渠災

張富平復寄死鴨一首願贖前鴈之命
又戲答

真鴻曾墮雲羅巧彩鴨還隨尺素來一死一
生交道厚三鳴三嗅聖情哀子輿已識行仁
術莊氏終迷處不材我自老來能制欲口知

為恠腹為災

題畫障四景

幻境籠真宰風煙圍筆端人間曾未有何處
是湖山

境絕山重疊臺高水淼茫何當泊煙渚江雨
聽脩篁

江南有樂地畫裏夢逍遙自買花村酒分明
過此橋

湖水含虛處雲山送遠秋看圖吟古句真似
岳陽樓

吳君祥為守令關東也目人寄華牋一
幅以求別語而其紙去後乃傳迂迤間
歲月已周吳君至於遮還紙留于篋書
一律以謝之

短幅金花紙勤求別語留箴心曾幾日覓句
兩經秋嶺海歸來眼塵埃白盡頭三年得一
律終愧錦囊收

題畫鴻鴈障子

天清山有雪月冷渚無雲寂歷寒蘆響音依稀
宿鴈聞翻疑湘浦影却似洞庭群滿眼冥

趣令人厭世紛

誰將鴻鴈樂寫出海山秋落照紅留宙寒蘆
雪覆洲自無繒繳慮寧有網羅求天地飄
意何曾比一鷗

送妻姪林君亨秀以玉堂修撰出佐會
寧鎮

渠家曾見弄璋時膝上麒麟識絕竒已許詩
書成巨擘不妨孤夫作男兒玉堂金馬雲生
步紫塞陰河雪映旗山合東西須將相一身
文武與爲期

乃翁今鎮穩州城渠復從戎會府營朝著久
曾收重望邊頭先已識威名忠君孝父難將
毋戀月題詩且賦兵從此玉堂同直伴却慙
徒作懦書生

東風西塞同從事秋雨陽關遠送行還似當
時詩酒會更堪今日別離情瞰生海上滄波
動白秀山頭勁氣橫文思化來成舞劍丈夫
安用語丁寧

送金同年國弼公觀察嶺南

蓮花榜上聯名後金玉堂中對讀年同是普

華初沃若如今白髮已飄然枯蓬雨露難重
潤平世馳驅未獨賢好把壯心思報答不須
將淚洒離筵

白頭臨別重含哀罇酒何曾一咲開湖外久
稽經世士嶠南還借濟時才政聲佳處難兄
弟詩思酣時課竹梅巡到蓬原省地盡天晴
應上海雲臺

公纔適湖南又作嶺南二南乃公之伯氏所曾經并及之

書靈運上人詩軸
追憶曾遊壬午年客行維得雨中船江流未
往僧還老天古長存月更圓白氏晚多方外

友蘇生今愛佛前禪酸辛甘苦人間事五味

何從嶺表傳

已丑季秋乘下船偶到曉寺靈運上人可識前又持軸求

及

題杜城令所画尹二相鏡之公屏

誰道公孫自不羈筆端還復寫秋思已疑堂
上生楓菊却怪遊蜂更得知

寒窠引竹實離之葉底彈蜂又一奇却似昔
年林下見令人還憶故山時

題宋承旨守初俛仰亭用蘇二相彥謙

公韻

為卜林亭只愛幽何如杜子浣西頭湖山隱
映臨風迥松竹蕭森背日稠清禁直時空有
夢故園佳處搃宜秋安能白首同歸去俛仰
乾坤一散愁

驪江途中

頭白名韉更受羈湖山八目儘依之驛程煙
雨蓑衣濕還似當年罷釣歸

申舍人石澗哀辭君在時送紅牋一幅
求記思亭記未就而君逝牋猶在篋書

哀辭于此附諸挽軸嗚呼尚忍此哉君死

於椒井歸殯
洞赤本家

中歲徒悲賦別離暮年尤覺事多違井椒浴
罷人何去洞赤家存櫬獨歸黃甲功名終未
達青氈世業更誰依華歲一幅空留篋欲記
思亭奈已非

送閔希仲公出作成鏡南道節度

青春相見晚相知白首重來代諫司出話愛
聞憂國計論文深托矢心期玉堂士罕方須
直北管民疲正屬思輕重一身關出入當時

文武少公資

公無違日吾多暇君得閑時我正忙樽酒未
曾成一會朋遊今復負重陽鏡中衰髮愁來
白籬底寒花別後黃平世學為俎豆事不妨
聊試折衝場

哭元同知繼蔡公使上都與書狀同時而逝

分携無幾時不道死生違白日西都別丹旌
遼海飛諸公逢餞數二使信書稀染得天涯
淚空歸屋上衣

東槎錄

過鳳城泉谷故人居

七度經行慣鳳墟只今猶記故人居一村酒
柿斜陽裏幾樹梨花春兩餘西嶺煙霞渠自
得東華塵土我何如莫嫌曾卻秋花信童稚
情親未必疎

次板上華使韻

客路春將晚離心久不徹已生黃鳥暮應梨
白緜衣鬢髮年々改花枝日々稀故山音漸
遠遊宦幾時歸

興義驛途中口號示汲古李洪男

吟思羈情奈此何
睡魔強似逐詩魔
峴峯汀草翻成錦
十里湖山夢裏過

受命同行幸與君
抱州西路政連雲
春山過了應無
盡柳暗荅明處村

到抱城留數日得趙甥季任在涇城消息為賦一律馳驛相問無候洪京地退之是暨南李兩從事文右

為迎華使客天西
白髮孤臣報主餘
千里相思遼塞月
一封消息涇江魚
情深未暇留歸

使喜極翻忘作報書見說文儒連榻盛無憑

鄭驛問何如

思與徐處士敬德一話錄奉

聞說花潭有逸人
只應樵牧與為隣
慕今喪我宜相問
翁已忘機自可親
青草小庭燈照夜
杏花孤館雨聲春
同時不得同心話
尚友何如見面真

邀處士不得并用前韻以與之

木石心腸亦有人
寂寥應與太初隣
渠能自信非為諒
吾未歸仁肯許親
三十六句中作

體圖書百點半成春邵雍去後還千載今古
何人悟到真
五處士深於邵易者

次天磨山人詩軸韻

開盡山花慣送杯只今空憶寺樓臺師耽淨
界成長往吾坐浮名尚未回仙洞紫霞牽夢
去客窓春雨要詩來恣却笑偷閑計郵吏
頻傳立馬催

次王 詔使鶴遊漢江樓韻

喧闐簫鼓擁朱千石路沿回故作盤雲岫遠
响江閣晚雪波晴映錦袍寒罇盈綠耐難接

轄膾薦紅鱗擬授餐只恨陪遊春尚早揚花
空負泊清漪

青山屏對白雲藩江閣清高不受喧天上鳳
毛驚瑞彩飲中仙語殺危言群憂孤咲酬知
已兩首工詞效刻猿莫恠一杯重強進春寒
猶溢杏花園

次李判校元和韻

誰道陳生覓句遲邇來全未損吟髭詩於老
日還多債酒到愁時更少資杜老久分工部
錫蘇仙曾泛頽何湄白頭故國追隨盡就醉

論文與子期

人間後死亦云遲
勲業曾悲鏡裏髭
一日閑如三世寶
千篇詩敵萬金資
難將衰境居名下
儻有歸舟繫漢湄
却恐 聖恩膠漆重西疇
終負耦耕期

村居偶懷

驪龍江上鴨山前
眼見茅茨只數椽
人爵本非天爵貴
紫微能與少微連
清宵寂寞憂君淚
白日參差聽鳥眠
勲業未應吾輩有
耦耕猶得送殘年

慶莊盧處士攜客寓洛城投詩相問步韻簡答

舊遊追憶鳳鳴山
竹老禪房夜扣關
共討水雲同樂極
相逢京洛搃塵顏
吾為官繫心猶熱
子被詩窮韻更寒
莫把升沉論得失
固知名利不如閑

三月初八日月溪峽中作

誰畫吾行得意時
東風吹峽綠參差
倒觀江水捫蘿遠
背指山花榮馬遲
岳嶺忽驚帆席出路危
頻覺棧橋欹
微吟到處春無盡
一景

看來一景奇

驪興金使君出示客齋相公送別詩韻
求和甚勤敬酬而復

夢作三刀尚黑頭沿江一舸且須浮功名盡
道吾知足富貴終看死便休政簡好將詩遣
興心閑安用酒禁愁悠悠得失誰非命千古
驪興亦巨州

無題

病裏聞君入洛塵駱峯冬雪故粧銀一壺酒
薄猪肩小聊慰東隣舊主人

過錦山玆山赴驪江田莊

玆錦江山幾往來東風回首思悠悠
處曾留眼澗水鳴時憤送孟雲物不隨人事
改容情空與歲時催從今拚得田園趣沒道
裏陽蕪不村

寫興

村深幽事多美興老生涯日永閑居地春留
病樹花怕情觀物化回前立山阿自有悠然
趣猶須放浪歌

企齋別集卷之六

企齋別集卷之七

歌詞

聞鶯有感

上林花落春將老曾記一聲曉堪憐今日小
山中垂柳陰濃啼罷又東風綿蠻聲裏初
回夢並坐花枝重眼前光景去年同白髮孤
臣唯恨酒樽空虞美人

快分亭長短句為尹上舍作

採木為椽結草廬柴門煙鎖槿籬疎箇中云
是主人居 嘯傲孤亭真快分夜深山月卷

金華集
簾虛有誰知道我何如浣紗溪

孤雲獨寄剛金麓野水三重曲怡然俯仰有
年間山色江光能寫此心肝自無愧怍方
生快請看亭銘掛紛之富貴誤人多翁醉初
酣風雨夢中過虞美人

天付散村隨分老小山叢挂留君儻來軒冕
是浮雲闌干高倚處歌罷日西曛萬事已
成知命後落花看至殘春芳樽白髮意還新
巢由輕聖世好在卧亭人臨江仙

瀟湘八詠

平沙落鴈巫山一段雲

霜落長空香潮回遠渚生水清沙白暮霞明
風定數群橫影亂蘆花色聲連玉塞情翻
翻繞下又輕之宿處莫須驚

遠浦歸帆

漠之煙迷浦遙之水拍天擣梢斜日亂帆懸
何處遠來船和鴈浮空外連山映渚邊開
頭挨舵最堪憐黃帽是長年

瀟湘夜雨

暝色沉巴岸寒雲接洞庭若為孤客此時聽

一夜鬢星之蓬底蕭之響心頭箇之經湘
娥倚竹獨伶憐得何處泣幽靈

洞庭秋月

娟之風吹夜微之露洗秋空明無際素光浮
影動岳陽樓 王免翻愁冷湘靈定戀幽千
般騷思入搔頭人籬木蘭舟

江天暮雪

野迥風威動雲深雪意催斜之整之映山回
誰送渡江來 兼濕漁舟暝燈明酒店開何
人得句倚樓臺一望興悠哉

山市晴嵐

墟市朝歸後山雲晚翠重戒之淦之淡還濃
杜句善形容 跋馬三湘客回頭兩鬢蓬欲
沽春酒慰龍鍾橋斷更誰逢

煙寺暮鐘

日落寒山遠煙叅古樹齊諸天鎖斷暝鐘低
風引渡溪西 欲遇僧歸問還愁客路替只
疑靈隱此間栖獨立使人迷

漁村落照

落葉明幽徑孤舟閣淺沙山頭返照耿將遮

門掩兩三家 鷺聚汀仍暝 魚跳水映霞 還
收弊網理生涯 少女亦絲麻

校生謠虞美人

魯城從古絃歌地 時雨看方至 關雎不是詠
周公却到振之誰使任斯功 琪花瓊樹蓬
萊島 曾掌絲綸 東人何處保深仁 留與甘
棠長作召公春

教坊謠臨江仙

天上瑞雲開爛熳 慶星來照東方 恩風和氣
與蜚揚 蛾眉齊拜處 歌頌滿康莊 士願生

逢堯舜世一文一武身 無金章玉節 衆爭瞻
風流誰似此 十里捲珠簾

寒夜吟王漏春

短檠明寒夜 永獨照白頭 衰境眼花爛 書卷
昏有心誰與言 孤飛鴈鳴求侶 更向汀洲
甚處雪皎々 月娟々 空留憶戴船

滿江紅戲贈歌妓滿園紅吾東方人益

齋外無作歌詞者試為之爾

春滿名園是何處 西山南麓正繁英 初綻嫩
條新綠 一陣東風吹雨過 眼前芳意知誰屬

出短籬愁絕倩人看開還落 盈杯酒紅侵
玉傍江路青遙續惜世間聚散亂人心曲勸
爾殷勤千萬壽那忍負此燈前約恐別離酸
苦定何時明朝隔

長相思

花未開笑未開客思冥冥小兩來重簾新燕
回 別瑤臺夢瑤臺凡骨仙姿自有才鳳凰
那得媒

念奴嬌 詠州送春

邊城春暮更在風急雨客思撩亂午醉微醺

人欲睡獨掩杏花山館燕語簷間煙霞夢覺
起拓斜窓半雕闌倚處觸情景物難看 離
別能使銷魂韶華將去掛長繩誰絆蒼自飄
零風亦擺不道柔腸更斷芳信綿綿 明心烟
願作聯珠貫那知異日念茲都入眉攢
憶王孫一闋戲贈童女八娘

尋花太早誤開期却恐重來較又犀風擺成
陰未幾時數化離莫負當年杜牧之

夏初臨一闋

躑躅初殘黃梅繞熟客窓細雨氍毹之簾額低

岳營巢燕語呢喃依稀夢到江南賞青帘麗
日方酣遽然吟倚綠陰重闌髮髮鬢鬢
慳人去舊事悲涼山長水渺客思無堪金樽
綠酌未成杯面輕添見舊詩街在指間字漫
難請帶愁慙欲寫芳牋家在湘潭

吾東人鮮有作詞者益齋後無復繼者
僕久病無聊忽承王堂直學士辱示所
製三詞且謂求正此事古聞而今始見
之奉讀再三不覺沉痾去醉觀其詞意
高古格律森嚴雖置古人作中不多讓

焉况敢有所評議耶且其所賦實皆先
得病夫未道之懷謹依來韻和之此亦
相長之意也

故山秋思巫山一段雲

古寺石泉洞小村秦井塘紅翎白藕割鮮芳
却憶使人傷 舊病秋尤劇歸心夜轉忙幾
時鷄黍薦馨香青眼對眞黃

辭山後作南柯子

猿鶴愁長夜風光待主人空將白髮看回頻
何物浮名能絆自由身 寂寞誰相賞紛華

竟胥淪宮居一日拂塵中學士碧山應許更
焚魚

秋夜鷓鴣天

衰病關心事更多不眠聊復整烏紗靜看虛
幌風搖屣時聽疎梧月墮鴉垂領髮亞枝
老蕭騷爛熳對流霞故園明日重陽會三一
招尋有幾家

次季任公何滿子韻夏旱

春後花枝有待窓間愁醉無醒白首宦情仍
畫困夢回睡鴨餘馨誰遣新詞起我東峯正

帶嵐青峯上鳴鳩喚雨空庭柳絮飛零大
旱冲融焦土久天聽不管民聽風伯何心更
怒雲霓日望屏

次更漏子韻

落紅飄輕絮散枯竹風枝葉亂主病久客來
稀簷前新燕飛度清晝誰相告未識憂心
正苦民胥痛雨屯膏碧天空自高

寄大樹令公南鄉子

駱洞是仙鄉翠壁風泉夏亦涼休道企齋詩
料富蒼茫終日吟哦只短章何日菊苞黃

又見丹楓新著霜一壑專來車馬少酒香應
為懷君白髮長

次李任公武陵春詞韻

春晚駱峯人卧病花落入房攏白首頻搔覓
句慵有信一簾風沒道連朝春雨好庭院
綠將濃消盡芳菲別恨重寧睡擁錦衾紅


次憶秦娥詞韻

逢佳節吹簫何處弄明月弄明月人間幾許
參商楚越 猴山春晚音塵絕玉笙聲斷淚
如血淚如血灞原殘照斜啣陵關

次點絳脣詞韻

懶倚雕闌東風亂我床琴韻相思人遠歌罷
陶沙慢 綠柳煙深已退黃金嫩惜春晚詩
能排悶欲寄憑問

企齋別集卷之七終



The right page of the book is a single sheet of aged, yellowish paper with a black border. The text is written in a cursive script, likely a historical form of English or a related language. The text is arranged in several lines, with some lines being significantly longer than others. The handwriting is somewhat faded and difficult to read, but it appears to be a formal or official document. There are some markings and symbols interspersed with the text, possibly indicating specific sections or points of interest. The paper shows signs of age, including yellowing and some staining.

